

Tutu e táxnūu San Pablu iña ñá ñuú Efesu

Taxnūu Pablu tutú iña ña ntákuinti'xe i, ñá ntoo ñuú Efesu

¹ Xu'u é Pablú u ne, pustru iña Jesúcrístú u tsí kuan ō ntío Xuva kō é tēé tsiñu ña ko. Taxnūu ú tutú sá'á iña ña ntáduku ntée Xuva kō, ña ntoo ñuú Efesu, ña ntákuinti'xe i Jesucristu. ² Xuva ko nī Tó'lo ko Jesúcrístú ne, na nāxnuu viko ña nto. Na tā'xi ña é kuntōo vá'a nto.

É vā'a é kata'xi Xuva ko kuēnta iña Jesúcrístu

³ Dōo ka'nu Xuva ko, divi Uvā Tó'lo ko Jesúcrístu. Dōo tá'xi ña kō é un ntí'i nūu i é vā'a é tuví e dukún kán tsi kúdadii o nī Cristu. ⁴ Tsí di'na dá tuví ñuxiví san ne, nāxaxnúu Xuva ko ko kuēnta iña Cristu vata koo é na ntāntoo ña nima kó, vata koo é ña tuví ka kuétsi ko tē xee o nta'a ña. ⁵ Tsi dōo ntío ña kō ne, nté di'na kaka'an ñá tsí ki'i ña kō é kuvi o i'xā ñá kuēnta iña Jesúcrístu, vata ō ntío ña. ⁶ Dukuān né, utén uten ntáka'an o tsi dōo ka'nu Xuva kō. Dōo vā'a o dé ña ni kō. Ñá ni dē vīni ña da tá'xi ñá ko I'xā ña, ña e dōo kuinima ña. ⁷ Nákakū ñá ko kuēnta iña I'xá ña, tsi éti ña niñi ña kuēnta iña ko. Dē ka'nu iní ña ni kō kuetsí kō, tsi dōo ntio ña kō. ⁸ Ñá te un sīin tsi kuínima Xúva ko kō ne, tā'xi ña é kūtú've kō, é ki'in iní ko. ⁹ Tā'xi ña é kūtuni ko nee iña é ntio ña, nuu i é ña ni iní ō, vata ō ntío ña. ¹⁰ Sá'ā dé kuení Xuva kō é vii ña dá xēe ntúvi i. Natáká nuu ña é un ntí'i vata koo é kodo nūu Cristú da neé ka é ió e dukún kan ni da neé ka é ió ñuxiví a.

11 É kudadꞑi o nī Cristú ne, nākaxnúu Xuva ko ko ūun tsi nte dí'na vata koo é nī'i ko iña ña. Kuān o dé Xuva ko vatā o é vā'á o kuíni ña. 12 Kuān o dé ña vata koo é ntī'i, é dí'na ntí kuinti'xe ntí Cristú ne, vií ntí vata koo é kā'an ñá'a tsi dóo ka'nu Xuva kō. 13 Dīvi ntō dī, dá tekū nto tú'ūn é nuu é ntaā i, dá tekū nto nté koo nakáku nto ne, kuīnti'xe nto Cristu. Kudadꞑi nto ni ñā né, xntēé Xuva ko nto nā'a da tá'xi ña Espíritū Sántū é kunūu ña nima ntó vata ō tá'xi ña xu'u ña. 14 Ta'xi Xuva ko Ēspíritū Sántu vāta koo é kūtuni ko tsí vií nti'xe ña vata ō tá'xi ña xu'u ña dá kūvi naki'i ña é un ntī'i nūu i é kāduku ntée ña. Kidáā ne, ka'an ñá'a tsi dóo ka'nu Xuva kō.

Kaikán Pablu nta'a Xuva kō é kuē'e ña é na kukī'in iní ña ntákuinti'xe i

15 Dukuān ne, da téku ko tsi dóo ntákuinti'xe nto Tó'o ko Jēsuú ne, tsi dóo ntákuinima nto ta'an ko, ña ntákuinti'xe i Xuva kō ne, 16 ñá kaxtuvī mií u é nakué'e ú sintiá'vi nta'a Xuva ko kuēnta iña nto. Kanaka'ān kó nto dá kakā'an ntā'ví u. 17 Kaikán u nta'a Uvā Tó'o ko Jesūcristú, dīvi Xuva kō, ña e dóo va'á san, te tā'xi ña é kūtú've vá'a nto iña ña, vata koo é kī'in dīki nto é kākā'an ña, vata koo é kīnī va'a ntó ña. 18 Kaikán u nta'a Xuva ko te nāxi'í nuu ña nuu nto vata koo é kūtuni ntó nēe é nī'i nto é kāna ña nto. Te tā'xi ña é kūtuni nto tsí ña te nté kaa va'a, ña te nté kaa kuika nuu i iña Xuva ko é kaxé'e ña ña'a é nakuido da'an ña. 19 Te tā'xi ña é kūtuni nto tsí ña te nté kaa ka'nu ña. Kakuvi vií ña é un ntī'i kuēnta iña kó, dīvi ō e ntákuinti'xe ko ña. Nañē'e ñá kō tsí kuvi vií ña nī é un ntī'i 20 dá nantōto ñá Cristú rkontuvi é xi'i ñá ne, xé'e ñá é kutuvī ñá diñi kua'a ña e dukún kán. 21 Díi ka ka'nu Jesuu é da xōó ka ña tsiñu na'nu i, da xōó ka ña tsiñu i, da xōó ka ña ntádē kû've e dukún kan, da xōó ka ña ntádē kû've ñuxiví a, da xōó ka ña e dóo

ka'nu, kuān te ntóo ña vevii, kuān te ntóo ña ntuvi é kī'in o. ²² Ta'xi Xuva kō é kūvi vií Cristu ni é un ntí'i. Tā'xi ña é kūvi Cristu tó'o iña un ntíi ntíi nuu i é kāduku ntée ña ntákuinti'xe i san. Cristú ne, ña é kadē kú've ña kuenta iña ña ntákuinti'xe i san. ²³ Ña ntákuinti'xe i sán ne, vata ntáa kúñū Cristu ña. Kanuu mé'ñu kanuu dava ña ña ntákuinti'xe i sán ni da kanii dū'va ñuxiví san.

2

Nakākú Xuva ko kō, tsi dóo kakuinima ñá kō

¹ Ta'xi Xuva ko ntuvi vā'á iña nto, ña é vata ntáa ña xi'i ntáa nto kídaa kuēnta iña kuétsi ntō, dá vāta kuinti'xe nto Cristu. ² Dōo ncho vií nto kuétsi kídaa, dá ntíkin ntó vata xkoó ini ña ñuxiví san. Dé ntaa nto é kā'an tó'o e ña vā'á san, ña é kadē kú've iña é ña vā'á é ntoo e dukún kán, ña é kākā'an nté koo vií ña'a, ña é ña ncho kuinti'xe i Xuva kō. ³ Kuān o dé o, ūn ntíi ntíi o, kídaa. Éde o da mií é ntio kō. Dé ntaa o é kākā'an nima káni ntáa kō, e ntádē kuení kō. Dukuān ne, kantio é nī'i ko é ntó'o ko e dóo ka'nu é kata'xi Xuva ko, ni ūn ntíi ntíi ka ña'a. ⁴ Ntá tsi un vā'a tsi ntúnta'ví ini Xuva ko kō, tsi ña te nté kaa kakuinima ñá kō ne, ⁵ ta'xi ña ntuvi vā'á iña ko kuenta iña Cristú, kuān te kantio é nī'i ko doxi'i kuenta iña kuétsi kō. Da mii tsí e dóo vā'á Xuva kō é nakakū ñá kō. ⁶ Vata o ntóto Tó'o ko Jesúcrístú ne, kuan o nántoto ña kó di ne, ta'xi ña é kuntoo dadii o ni ña e dukún kán, tsi kuinti'xe ko Jesúcrístu. ⁷ Kuan o dé ña vata koo é nañē'e ña ña'a rkontuví ve tsí un vā'a tsi kakuinima ñá kō, tsi dóo vā'á ó de ña ni ko kuenta iña Jesúcrístu. ⁸ Da mii tsí e dóo vā'á Xuva kō é nakakū ñá nto da kuinti'xe nto. Ña túvi nēe nuu i é vii mii nto é nākáku nto, ntá tsi doméni tá'xi Xuva kō é nākáku nto. ⁹ Ña kúvi vii o

nee nuu i é nākáku ō, vata koo é ña vii ka'nu ō. ¹⁰ Tsi Xuva kō de kú'vē ñá kō vata koo é da ntántikin o Jesuú ne, vii ō é vā'á, vata ō ka'an Xúva kō nte dí'na é vīi o.

É kuntōo vá'a o kuēnta iñá Cristu

¹¹ Dukuān né, naka'an ntō nte ntáa nto dí'na, ñi ntō é ña te ña Israeé nto. Ntáka'an ñá Israeé san iña ntō “ñá'a, ña é ña ni té'nte kuñū é ixi i”, tsi ntántikin ña vata xkoó ini ña e ntaé'nté ña kúñū ña, kuān te mii tsi ñá é'nte ña. ¹² Kidáā ne, vata kīni ntó Cristu. Tuku ña'a nto é ña Israeé. Ña tūvī nee iña é intétu nto, ntē ña ni iní nto xoo é Xuva kō. ¹³ Ntá tsi vevii ne, kudadii nto ni Jesūcristu. Ñi ntō é ña ni kuvī k'xi étsin nto Xuva kō kídaā né, ntoo ni'i nto ñā vevii, tsi éti Cristu ñiñi ña kuenta iña nto. ¹⁴ Tā'xi Cristu é kuntōo vá'a ō, tsí idé ña é ntūdadii ña Israeé san ni ña e ña te ña Israeé san. É nākaán nuu ña mí'i kānti'u kídaā da ntánāa núu ña Israeé san ni ña é ña te ña Israeé san. ¹⁵ Dā xi'i ñá ne, nantí'i ñā leí san é kāka'an nté koo vii o, é kadē kú've iña ko. Uun tsi ña'a, ña é xēe, ntáda dadii ña ntuvī ñá'a san, tsi ntákuinti'xe dadii ña Xuva kō. Kuān o dé ña vata koo é kuntōo vá'a ña ni tā'an ña. ¹⁶ Dukuān né, dā xi'i ña ntíkā krusi kán ne, nantí'i ña du'xēn é ēdé ntuvī ñá'a san vata koo é kūvi ntuvá'a dadii ña ni Xuva kō. É uun tsi ña'a kúvi ña ve.

¹⁷ Vé'xi Cristu ne, ka'an ña nté koo kuntōo vá'a nto, ñi ntō é vata kiní nto Xuva ko, ni ñā'a san é ini ñá ña. ¹⁸ Kuenta iña ña kuvī k'xi étsin o nuu Xuva ko, tsi é ni'i ko Espíritu ña, ntuvī ō. ¹⁹ Dukuān ne, ñá te ñā tuku ñuú ka nto, ñá te ñā é doto tsi ntaíka ká nto, ntá tsi ña ñuú Xuva ko nto vē. Ña ví'i Xuva ko nto vē ne, dadii xnto ni ñā e ntáduku ntée ña. ²⁰ Vata kaa ví'i san ntáa nto, tsí odo nto nú eti ví'i san. Eti ví'i sán ne, ñi ntō é ña tū'un é nakuā'a

pustrú san nī ña ka'án naa Xuva ko. Mii Jesūcristú ne, xuu é odo nūu diñi ntii vi'i san. ²¹ Xo'ō é kudadii o nī Cristú ne, kuve ta'an o vāta ntāa ntiká nto'o é xī'í ta'an va'a un ntii ntii diñi i, da nté ntuvi o xūkún Xuva kō mí'i ña kakí'vi nté uun nuu i é kīni kaa. ²² Di'vi ntō di, dá kudadii nto nī Cristú ne, kuve ta'an nto nī ña ntákuinti'xe i san vata koo é kūvi nto xūkun Xuva kō, tsí nuu Espiritu ñā nima nto.

3

Di'vi tsiñu Pablu é kā'an ña tú'un va'á san nī ña é ña te ña Israeé

¹ Dukuān ne, xu'u é Pablú u ne, nuu kutū ú kuenta iña Jesúcristu, vāta koo é di'vi ntō, ña é ña te ña Israeé nto, ní'i ntō é vā'a. ² Á te īni nto tsi dóo vá'a o dé Xuva ko ni kō da tée tsiñu ña ko é kā'án u tú'un ña ni ntō. ³ Tá'xi Xuva kō é kūtuni ko é tuvi xu'u iña ña, vatā o dé vá'a ú di'na é ña ku'é tsi tú'un é kāka'án u. ⁴ Dā nakua'a nto tú'un tsikán ne, kūtuni nto tsí iní u nuu i é tuvi xu'u iñá Cristu. ⁵ Dá ntē vevii ne, ñá ni xē'é Xuva kō é kūtuni ñá'a. Ntá tsi vevii ne, e xé'e Xuva ko kuēnta iña Espiritū Sántū san é kūtuní pustrú san nī ña ntáka'án naa Xuva ko. ⁶ Sá'ā ne, nuu i é tuvi xu'u kidaā: tsí ña é ña te ña Israeé ne, dadii tsi ní'i ña iña Xuva ko nī ña Israeé san, tsi e kúdadii ña nī ña Israeé san kuenta iña tú'un va'á san. Ní'i ña é xē'é Xuva ko xū'u ña di dá kuinti'xe ña Cristu.

⁷ Tēé tsiñu Xuva kō ko é kā'an ntódo u tú'un sa'a, tsi dóo vá'a o de ña nī kó ne, tā'xi ña kó ntii ña vata koo é kūvi vii u tsiñu sá'a. ⁸ Xu'ú ne, dii ka dutsi kaa u é ña e dii ka dutsi kaa é kāduku ntée Xuva kō. Ntá tsi dóo vá'a o dé Xuva kō, tsi tá'xi ña é kā'án u nī ña é ña te ña Israeé san tú'un va'á iñá Cristu é dii ka nuu á'vi é nté ña ini o nté kaa. ⁹ Ta'xi Xuva kō, ña

é de kû've é un nti'í é iō, é kâ'an ntódo ú vata koo é kīni un ntií ntií ña'a nté o de kú've ña é koo nuu i sá'ā e xtúvi xu'u ña un tsi nte dá iñi ntu'u ñuxiví san. ¹⁰ Kuān o dé ña vata koo é kūtuni un ntií ntií ña e ntádē kû've e dukún kan tsi dóo ini Xúva kō é un nti'í nté koo vii ña dá kinī ñá ña ntákuinti'xe i san. ¹¹ Un tsi nte dí'na kuān ó ncho vií ña kuenta iña Tó'o ko Jesūcristu. ¹² Kuenta iñá Cristú ne, ini o tsí kuvi xee étsin o nuu Xuva ko. Tsí te kuinti'xe ko ñā ne, ñá kaū'ví ka ko ñā. ¹³ Dukuān ne, kaka'án u ni nto tē ña nátivi iní nto é kuān ó kanto'o kó kuenta iña nto. Tsí xu'ú kanto'o kó vata koo é nī'i nto é vā'a.

Kakuinimá Cristu nto

¹⁴ Dukuān né, kanchitī ú nuu Xuva ko, ñivi Uvā Tó'o ko Jesūcristu. ¹⁵ Uva ña iña un ntií ntií tātá ña'a sán di, kuān té ña ntoo e dukún kan, kuān té ña ntoo ñuxiví a. ¹⁶ Kaikán u te tā'xi ña é kunūu ntií nima ntó kuenta iña Espíritu ñā, tsí ña te nté kaa iō é vā'á iña ña. ¹⁷ Kaikán u te kunūu Cristu nima ntó da ntákuinti'xe nto. Na tā'xi ña é kūtú've vā'a nto nté koo kuinima kué'en nto, ¹⁸ vata koo é kūtuni ntó, ni ūn ntií ntií ña ntáduku ntée Xuva kō, nté kaa nī'i, nté kaa kani, nté kaa kūnu, nté kaa dūkun kaxee tá'an é kakuinima Xúva ko kō. ¹⁹ Kaikán u te kinī nto nté kaa ntio Cristu kó, kuān té ña kuvi kadá kuení kō tsi dóo kuē'e, vata koo é kū'un tsitu kue'én nima ntó Xuva kō.

²⁰ Dōó ka'nu Xuva kō. Dōó iō ntii ña é kāde tsiñu ña nima kó ne, kuvi víi ña díi díi ka va'a é kaikan o, díi díi ka va'a é kadā kuení kō. ²¹ Te kâ'an ñá'a tsi dóo ka'nu Xuva ko kuēnta iña ña ntákuinti'xe i san, kuenta iña Jesúcristu. Kuān koo ka'an ñá da ntántoo ká ña'a san ñuxiví a ne, ntií dañu ntūvi di. Kuan tsi koo na kōo.

4

É uun tsi kúñū kúvi o kuēnta iña Espíritū Sántū san

¹ Xu'u é nuu kútū ú kuenta iña Xuva kó ne, kaikán u nta'a nto ʔe vii ntó vatā ó ntjo Xuva kō é vii ña e kána ña. ² Ná vii ka'nu nto. Ná ku kudīn nto ni ña'a. Na kūtíi nto kuntētu nto. Na kūtíi nto ni tā'an nto. Na kuñima ntó ña. ³ Koo ntii ntō é ña xtuví mii ntō é uun tsi ntádē kuení nto vatā ó katá'xi Espíritū Sántū san dá ntoo vá'a nto. ⁴ Uun tsi kúñū nto, ni ūun tsi Espiritu ntō dí, vatā ó ió uun tsi nuu i é vā'a e ntantētu nto é nī'i ntó rkontuvi, nto'o é kána Xuva ko ntō. ⁵ Uun tsi Tó'o kō, uun tsi tú'ūn va'a é kuinti'xe ko, ni ūun tsi nuu i é kutsi ntute o. ⁶ Uun tsi Xuva ko, ðivi Uva ko ūn ntíi ntíi o. ðivi ñā é odo nuū ña é un ntíi ntíi o. ðivi ñā é nuu mé'ñū nuu dava ña ko ūn ntíi ntíi o.

⁷ Ntá tsi é un é un ō ne, é tā'xi Cristu ko nuu i é vā'a é vii ó, vatā o ntío ña. ⁸ Dukuān ne, kaka'an tú'un Xuva kō:

Da kūntáa ña e dukún kán ne,
ntēka ñá ña ñu'u kutū ne,
xé'e ña nuū i é vā'a é vii ña'a san,
ka'an.

⁹ ¿Nee iñá ntu kani tu'un é kāka'an é kūntáa ña? Ncho ka'an tsí di'na naínu ña ñu'u a. ¹⁰ Ña e naínú san ne, ðivi tsi ñā é kūntáa ña mí'i e díi ka dukun e dukún kán vata koo é kadā kú'vē ñá da kaníi dū'va. ¹¹ Tā'xi ña nuu i é vii o, é un é un o. Iō ñá ne, xé'e ñā é vii ñá pustru. Iō ñá ne, xé'e ñā é ká'an ñá naa Xuva ko. Iō ñá ne, xé'e ñā é ká'an ntódo ña tú'ūn é nakáku ō. Iō ñá ne, xé'e ñā é kadā kú'vē ñá ña ntákuinti'xe i sán ne, nakuā'a ña ña nchu'ún san ði. ¹² Kuān o dé ña vata koo é koo tú've ña ntáduku ntée ña é vii ñá tsiñu ña, vata koo é nakuē'nu ña ña ntákuinti'xe i Cristú san ¹³ da nté dadíi tsi kuinti'xe

ko, dā nté dad̄i tsi ini vá'a o I'xá Xuva kō. Kidāā ne, kuka'xi nuu ō ne, kué'nu ō vata koo é un nt̄i'ē é vīi ó ne, vií o vatā o dé Cristu. ¹⁴ Nā vīi ka o vatā ó de i'xá san é nuu nuu tsi ntánadama e ntádē kuení i. Ntántikin dá nēé ka nchu'un é xēe e ntánañē'e ña ntaéni nta'ví san, ña e dóo ntáde é kīni kaa. ¹⁵ Ntá tsi ka'an o é nuu é ntaā í ni ñā'a, tsi ntákuinima kó ña. Kidāā ne, kue'nu ká o un tsi dā nte xee tá'an o vii o vatā o dé Cristu. D̄ivi ñā né, odo nuū ñā iña ña ntákuinti'xe i sán vatā ó odo nūu dik̄i ko iña kúñu kō. ¹⁶ Xo'ō ne, vata káa kúñu Cristu ntáa o, é dóo vá'ā ó xi'i ta'an é un nt̄i'ē nt̄i'ē ta'vi i. Te ūn nt̄i'ē tsi ta'vi i dóo vá'ā ó ntáde tsiñu ne, dóo vá'ā ó kae'nu kan̄i kúñu ñā. Kuan koo na kuñinima tá'an kō di, un nt̄i'ē nt̄i'ē o e ntáduku nté o Cristu.

Ntuvi xēé iña ko e tá'xi Cristu

¹⁷ Dukuān ne, kaka'án u ni nto vē, tsí ntio Xuva kō é vīi nto sá'a. Nā vīi ka nto vatā ó de ñā'a, ña é ña ini Xúva kō. Dotō tsi ntáde ña é ntio nima kīni ntáa ña. ¹⁸ N̄inēé ini dik̄i ña. N̄a túvi ntuvi iña ña e tá'xi Xuva kō, tsí ña ntákutuni ña, tsi dóo ka'xi ini ña. ¹⁹ N̄a ntákuka'an nuú ka ña é da mii tsī e ntáde ña é kīni kaa. Nā tē nté kaa diní ña é vīi ña é un nt̄i'ē nt̄i'ē nuu i é kīni ntáa san. ²⁰ Ntá tsi d̄ivi ntō ne, ñā tē dúkuan ō ni nakua'a nto iña Cristu, ²¹ tē nuu é ntaā i e téku nto é kaka'an ñā, tē nuu é ntaā i é d̄ivi ña nakuā'a ña nto; tsí kaka'an ña é nuu é ntaā i. ²² Vatā ó kanatāva o doo dé'én san ne, kuan koo naxtūví xio nto é ntio nima kīni kaa nto, é da mii tsī e ntaéni nta'ví nto. ²³ Kué'e ntō é ntavá'a Xuva kō nima ntó vata koo é vā'á tsi koo kadā kuení nto. ²⁴ Nakunúu nto ntuvi vā'á iña nto é dē kú've Xuva ko iña ko vata koo é vīi o vatā ó de ña. D̄ivi ñā ne, kade ña é vā'á ni ñā'a sán ne, ña túvi nēe é kuēt̄sí ña. Kuān koo vií o di, tsi ntákuinti'xe kō é nuu é ntaā i.

²⁵ Dukuān ne, ñá kā'án ka nto dovéte. Ka'an nto é nuu é ntaā í ni tā'an nto, tsí uun tsi kúnū kúvi o ni ñā.

²⁶ Te kūdiin ntó ne, ntá tsi ña ku vii nto é kīni kaa. Ña na'a tsi kudīin ntó di, na ntūka'nu iní nto di'na dá kuido nuu ngántii. ²⁷ Ntē ña ku xe'e nto é kā'an tó'ō e ña vá'ā san nté koo vií nto.

²⁸ Ña kadú'u sán ne, na xtuvī mii ña é kādu'u ña. Na kōó ntīi ña kada tsiñu ña vata koo é nī'i ña é natsī'i ña iña ña ntátaan nuú i san.

²⁹ Ñá kā'an kīni nto, ntá tsi ka'an ntó nēe é vā'á, nēe é kaxntīi é kuē'nú ta'an nto vatā ó kantio ña, vata koo é na nāxnuu viko ña ña'a, ña kateku í san.

³⁰ Ña ku vii nto nee iña é kāde i é kuntā'xa iní Espiritu Xuva kō, tsi tá'xi Xuva kō Espiritū san vata koo é kūtuni ko tsi ntáduku ntée o Xuva ko tē xee ntúvi é naki'i kúe'en ñá kō.

³¹ Xtuvī mii nto é dutsī kuiní nto, nī é kakudiin nto. Ñá ku nāa núu ká nto. Ñá ku kāchu'u ntó. Ntē ña ka'an kīni nto iña ta'an nto. Ñá ku vii nto nté uun nuu i é kīni kaa. ³² Ntá tsi vii nto é vā'á ni tā'an nto. Ntuntā'ví iní nto ñā ne, kada ka'nu iní nto ni ña vatā ó de ka'nu iní Xuva ko ni nto kuēnta iñá Cristu.

5

Nté koo é vā'á koo kuntoo i'xá Xuva kō

¹ Vií nto vatā ó de Xuva kō, tsi i'xá ña nto e dóo ntío ña nto. ² Utén utén kuinima ntó ta'an nto vatā o kuínimá Cristu ko dá xe'é ña ntuvi iña ña kuenta iña ko. Dīvi ñā e kúvi ña doméni e dóo va'a, é vata kaa uun diko e dóo vá'a ñe'e iña Xuva ko.

³ Dīvi ntō e ntáduku ntée nto Cristú ne, ñá ku kā'an nto nté uun tú'un nuu i é kīni kaa e ntáde ña'a ni ñadī'í san, e ntáde ne'u iní ña ni ñā'a san. ⁴ Ñá ku kā'an nto tú'un dēntu. Ñá ku dotō tsí ka'an ntó, ntē

ña doto tsí xkuntée nto nuu i é ña vá'a, tsí ña te vá'a o é kuān koo víi o. Díi ka vá'a ó te nākué'e o sintiá'vi nta'a Xuva kō. ⁵ Tsí ini vá'a nto tsí da xōo ka ña'a é kakidi ni'i ña ñadī'i é ña te ñádī'i míi ñā né, da xōo ka ña'a é kāde ña é kīni kaa, da xōo ka ña'a é kākune'u iní ña, é kānuu iní ña tuku nuu i é ña te Xuva kó ne, ñá nī'i ña é vā'á nta'a Xuva kō, nté ntā'a Cristu. ⁶ Ñá ku dā vá'a nto é kāni nta'ví ña'a san nto te dotō tsi ntáka'an ñá dovete, tsí kuenta iña i sá'ā ne, kué'e Xuva kō e dóo nto'o ña, da xōo ka ña'a é ña ncho kuintí'xe i ña. ⁷ Ñá ku kudadīi nto ni ña kuān ntāa san.

⁸ Divi ntō né, vata te ñinēe mi ntaíka nto kídaā, ntá tsi vevíi ne, é nāxi'í Xuva kō mi ntaíka nto. Vii nto vata tsí ó de ña'a, ña é kaíka mí kaxi'í nuu ñu'u. ⁹ Tsí ña é kānaxi'í nuu í ne, kade ña é vā'a. Kade ña é ntio Xuva kō. Kade ña é nuu é ntaā i. ¹⁰ Koo ntii nto vii ntó nee nuu i é díi ka va'a é vii ntó vatā o é ntio Xuva kō. ¹¹ Ñá ku dotō tsí kini nuu nto nuu i e ntáde ña e ntaíka mí ñinēe, tsí ña kaidiá'vi. Ntá tsi nañe'ē ntó ña tsí ña te vá'a o ntáde ña. ¹² Tsi ntákuka'an nuu ko é kā'an o nuu i é ntáde xu'u ña. ¹³ Ntá tsi dā naxi'í nuu ñu'ú san ne, ntii díto nuu i é iō xu'ú, nte ntāa nti'xe. ¹⁴ Tsí ña te nee iña é kuvi koo xu'u dá kaxi'í nuu ñu'ú san. Dukuān ne, kaka'an ña:

Ntoton, divīn é kakidin.

Nakuntísin mé'ñū ña xi'í san ne,

Cristu naxi'í nuu ña nuu o,

ka'an ña.

¹⁵ Koto vá'a nto nté ō ntáde nto ve. Ñá vii ntó vatā ó de ña tuntú san, ntá tsi vii nto vatā ó de ña e dóo ki'in inī i. ¹⁶ Koo ntii nto kada tsiñu nto vi'a iō ka ntuvi, tsi dóo iō nuu i é kīni kaa ntuvi sā'a. ¹⁷ Dukuān ne, ñá vii ntó vatā ó de ña tuntú san, ntá tsi kutuni nto nee é ntio Xuva kō é vii nto. ¹⁸ Ñá ku de ki'vi ntō tsí dukuān ne, ña kúvi kotō kú'vē nto.

Ntá tsi kué'e nto é kadā kû've Espíritū sán nima nto. ¹⁹ Kata nto nchu'ún ni tã'an nto. Kata nto un ntíí ntíí nuu i é kãka'an tsi dóo ka'nu Xuva kō. Kanī nima ntó kata nto iña Xuva ko. ²⁰ Nguentúvi nakué'e nto sintiá'vi nta'a Xuva ko iña é un ntí'i da nēé ka nuu i kuenta iña Tó'o ko Jesūcristu.

Vata tsi te ñavi'i kō ña ntákuinti'xe i san

²¹ Vií nto é ntio ta'an nto, tsi ntaíko ñu'u ntō Cristu.

²² Dīvi nto, ñadī'i, vií nto vatā ó ntáka'an xíi nto, vatā ó de nto nī Tó'o ko Jēsuu. ²³ Tsi ntádē kû've ñatīí san iña ñadī'í ña, vatā ó kade kû've Cristu iña ña ntákuinti'xe i ña. Dīvi ñā né, kanakakū ñá un ntíí ntíí ña ntákuinti'xe i ña tsí uun tsi kúñū kúvi ña ni ñā. ²⁴ Vatā o ntáde ntaa ña ntákuinti'xe i é kãka'án Cristú ne, kuan koo na kãda ntaa ñadī'í san un ntí'í é kãka'an xíi ña.

²⁵ Dīvi nto, ñatīí ne, na kuñnima ntó ñadī'í ntó vatā o kuñnima Cristu ña kuñnti'xe i ña. Tsí xe'é ña ntuvi iña ña doméni kuenta iña ña, ²⁶ vata koo é nãkate ña kuétsi ñā é nakutsi ntúte ña ña da kuñnti'xe ña tú'un ñā. ²⁷ Kuān o dé ña vata koo é ntāda ña ña kuenta nta'a míi ñā, é vata kaa ñadī'í, ña e dóo vá'a kaa. Dōo vá'a ntí'xe ña vata kaa uun doo e dóo nuu a'ví san é ña tuvi mí'i ni xē'e, ña tuvi mí'i ntútsi'i, ntá tsi vá'a kue'en. ²⁸ Du'vā ó kantio é kuñnima ñatīí san ñadī'í ñá, vatā ó kakuñnima ña kúñū mii ñā. Te kãkuñnima ñá ñadī'í ñá ne, kakuñnima ña kúñū mii ñā dī. ²⁹ Xōxó ñatīí é ña ntío kue'en ña kúñū mii ñā, ntá tsi kaxé'e ña é kã'xí ne, kade ña i kuenta. Kuān ó kade Cristu ni ña ntákuinti'xe i ña dī, ³⁰ tsi ntáduku ntée ña ña. Xo'ō né, kuān o ntáduku ntée o kúñū Cristú dī. Tsí dadīi tsi kúñū kúvi o ni ñā. ³¹ Dukuān ne, kaka'an tú'un Xuva kō tsí xtuví mii ñatīí san uva ña ni dī'i ñā vata koo é kutīni'i ña ñadī'í ña. Ntuvi ñá ne, uun tsi kúñū kúvi ña, ka'an.

³² Sá'a nūu i e dóo ka'nu, é ña ini o. Ntá tsi kaka'án u sá'ā vata koo é kūtuni nto nté o de Cristu ni ña ntákuinti'xe i ña. ³³ Ntá tsi kuinima ntí'xe nto, é un é un nto, ñadi'í ntó vatā o ntákuinima nto kúñu mii ntō. Ñadī'í san ne, na kuiko ñu'u ña xñ ña di.

6

¹ Divi nto, ī'xá, kada ntaa nto e ntáka'an úva nto ni di'í nto, vatā o é ntio Xuva kō. Tsi vá'ā o é kuān koo vií nto. ² Tsi tú'ūn é kuvi ūun é kāka'an é nī'i ko é vā'á te kāda ntaa o ne, kaka'an: “Kuiko ñu'u nto uva nto ni di'í ntō, ³ vata koo é kuntōo vá'a nto, vata koo e dóo kani ntuvi iña nto ñuxiví sa”, ka'an.

⁴ Divi ntō né, uvā, ña kú de nto é na kūdiin i'xá nto, tsí nakuē'nu vá'a nto i. Kué'e nto é ntō'o i te ña vá'a o ntáde ne, kué'e nto i ītsi nté koo kuntikin Xúva kō.

⁵ Divi ntō, ña ntáde tsiñu ne, kada ntaa nto e ntáka'an tó'o ntō, ñá ntoo ñuxiví sa. Kuiko ñu'u nto ñā. U'vī ntó ña. Kanñ nima ntó vií nto tsiñu e ntáta'xí ña vata tsi tē ntáde tsiñu nto iña Cristu.

⁶ Kada ntaa nto, ñá te da mii tsí da ntaito ntáde ña nto, vata koo é kā'an ñá tsi dóo va'á nto, ntá tsi kada ntaa ntí'xe nto vatā ó de ña kade tsiñu iña Xuva ko. Kanñ nima ntó vií nto vatā ó ntio Xuva ko. ⁷ Vií nto tsiñu nto nñ kue'én ini nto, vata tsi te iña Xuva ko ntáde tsiñu nto, ñá te da iña ña'a tsi. ⁸ Ini ntó tsi da xōó ka ña'a, te ña kade tsiñu ne, o tē tó'o tsiñu ne, ní'i ñā é vā'á nta'a Xuva ko kuēnta iña i é vā'a é kāde ña.

⁹ Divi ntō di, tó'o tsiñu, kuān koo vií nto nī ña ntáde tsiñu iña nto. Ñá ku kadā xení nto ni ñā. Naka'an ntō tsí io Tó'o nto ntuvi ntó ña, ña é tuví e dukún kán né, divi ña ne, ñá kade ña kuentá nee ñá'a o.

Nté koo nada'an ña ntákuinti'xe i sán nima ña

10 Kaka'án u sá'a ni nto vē. Ntii na kōo nima nto ve, tsi ntáduku ntée nto Tó'o kō. Tsi dóo iō ntiĩ ñā é ta'xi ñā kō. 11 Vata tsī ó kainúu sntadún san du'nu é kuvi káa ne, kuan tsī koo nakunúu nima nto Espíritu Xuva kō sán di, vata koo é ñā kuvi vii Tó'o e ñā vá'ā san ní nima nto é ncho kani nta'ví nto. 12 Tsi ñā te ntánaa o nī ñā é iō kúñu i ni xīkī i, tsi ntánāa o ni tatsin ñā vá'ā e dóo ntiĩ inī i, e ntáde kú've iña ñā ntaika mi dóo neé ñuxiví sa, ni tátsin é ñā vá'a é ntaíko e dukún kán. 13 Dukuān ne, ki'i nto un ntíí ntíí nuu i é káta'xi Xúva kō vata koo é kuvi vii nto nada'an ntō nima ntó te xēe ntúvi é kīni kaa san. Dá iō tu've vá'a nto ne, kutu kuntōo nto.

14 Dukuān ne, diin tsi kuntōo nto é nāki'ni kutu nto í'xi nto é nuu é ntaā í vatā o dé sntadún san ni ññī í'xi ñā. Vii nto é vā'a vata koo é nada'an ntō nima ntó, vata tsī ó kanada'ān sntadún san nima ñā é kaitavi núu ñā du'nu káa san. 15 Vata tsī ó kaxio tú've di'in nto e ntaxí'i nto ntí'xen nto ne, kuan kōo koo tú've nto é kika'an ntódo nto tú'un va'á san nté koo kūntóo vá'a o. 16 Dií dií ka nuu á'vi ne, é kuintí'xe vá'a nto vata koo é nada'an ntō nima nto nuu i é kīni kaa é kanakuíta ntēe tó'o e ñā vá'ā san ntó, vata tsī ó de sntadún san dá kakāta nteé ñā le'e káa san vata koo é ñā dúku ñā ntuvē é kai'xí san. 17 Vata tsī o kaitavi dīkī sntadún san ññī e'xín ñā ne, kuan tsi koo nada'an nto dīkī ntó di é kuintí'xe ntō tsi é nakakú Xuva ko ntō. Kun'i'nto káa kāni iña Espíritū di, é diví tú'un Xuva kō. 18 Da nēé ka é vii ntó ne, ka'an ntá'vī ntó ni Xuva kō. Kákan nto nta'a ñā da nēé ka nuu i é ká'an Espíritu ñā é kákan nto. Ntíto koo kuntōo nto. Ntē ñā ku nátivi iní nto. Utén utén ka'an ntó ni Xuva ko iña é un ntíí ntíí ñā ntáduku ntée ñā. 19 Ka'an ntá'vī ntó kuenta iñá ko di, na ta'xi Xuva ko tú'un nee iña é ká'án u, vata koo é ñā u'ví ko é ká'án u ni ñā'a iña tú'un va'á san é iō xu'ú iña ñā. 20 Xuva ko taxnúu ñā ko é kēte xaa

u tú'un ñã né, dukuān é nuu kutū ú vevii. Ka'an ntá'vī ntó vata koo é ñã u'ví ko nté un siin é kā'án u tú'un ñã, vatā ó ntio ñã é kā'án u.

I'a ntí'i tutú san

²¹ Tiguicu, ení kō e dōo ntio ko, ñã e dōo xntíi kó tsiñu Xuva kō né, ntaa ñã ni ntō é un ntí'i iñá ko, vata koo é kūtuni nto nté o de ú ne, nee tsiñu kade ú ve. ²² Dukuān né, kataxnūu ú ñã é kī'in ñã mí ntoo nto vata koo é kā'an ñá ni ntō nté o de ntí, vata koo é na kīi nima nto é vii ntó tsiñu Xuva kō.

²³ Na ta'xi Xuva ko ni I'xā ñá, Tó'o ko Jesūcristu, é kuntōo vá'a un ntíi ntíi ta'an kō, é kuīnima tá'an ñã, é dii ka kuinti'xe ñã. ²⁴ Na naxnuu viko Xuva ko ūn ntíi ntíi ñã é ñã ni xtuví mii i e ntákuinima i Tó'o ko Jesūcristu kánii nima i. Kuan tsí koo é kā'án u ni ntō.

**Tū'ún xuva kō vatā ó ntáka'an ña ñuú
Coatzospan
New Testament in Mixtec, Coatzospan
(MX:miz:Mixtec, Coatzospan)**

copyright © 2003 Wycliffe Bible Translators, Inc.

Language: Mixtec, Coatzospan

Translation by: Wycliffe Bible Translators, Inc.

Copyright Information

© 2003, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Coatzospan

© 2003, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

8f775598-56d9-56fd-966e-15e054d2f275